



Број: 05-05-1- 2416-2/11
Сарајево, 26. јули 2011. године

**ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**- ПРЕДСТАВНИЧКИ ДОМ
- ДОМ НАРОДА**

BOSNA I HERCEGOVINA PARLAMENTARNA SKUPSTINA BOSNE I HERCEGOVINE SARAJEVO			
PRIMLJENO:		26.07.2011	
Organizaciona jedinica	Statisticki broj	Redni broj	Broj priloga
01/02-05-2-844/11			

B

Предмет. Сагласност за ратификацију меморандума, тражи се

У складу са чланом 16. Закона о поступку закључивања и извршавања међународних уговора ("Сл. гласник БиХ", бр 29/00), достављамо вам ради давања сагласности за ратификацију:

Меморандум о разумијевању о сарадњи у борби против корупције путем иницијативе Југоисточне Европе за борбу против корупције. Меморандум је потписао г. Бариша Чолак, министар правде БиХ 13. априла 2007. године у Загребу.

Будући да је Министарство правде БиХ надлежно за провођење поступка за прихватање овог меморандума, молимо вас да на састанке ваших комисија, односно сједнице Дома, поред представника Предсједништва БиХ, као предлагача, позовете и представника Министарства који посланицима, односно делегатима може дати све потребне информације о меморандуму.

С поштовањем,

ГЕНЕРАЛНИ СЕКРЕТАР

Ранко Нинковић



Broj: 08/1-23-05-5-9962-5/10

Datum: 15. 07. 2011. godine

PREDSJEDNIŠTVO
BOSNE I HERCEGOVINE
SARAJEVO

PREDSJEDNIŠTVO BOSNE I HERCEGOVINE
SARAJEVO

PRIMLJENO 25. 07. 2011.			
Organizacioni podrijetlo	Klasifikacijski oznaka	Redni broj	Broj priloga
05	05-1	2416	

PREDMET: Prijedlog odluke o ratifikaciji Memoranduma o razumijevanju o saradnji u borbi protiv korupcije putem inicijative Jugoistočne Evrope za borbu protiv korupcije, dostavlja se

U prilogu dostavljamo Prijedlog odluke o ratifikaciji Memoranduma o razumijevanju o saradnji u borbi protiv korupcije putem inicijative Jugoistočne Evrope za borbu protiv korupcije, koji je potpisan 13. aprila 2007.g. u Zagrebu, R. Hrvatska.

Predsjedništvo Bosne i Hercegovine je na 4. redovnoj sjednici održanoj 17. januara 2011.godine donijelo Odluku o prihvatanju predmetnog memoranduma kojeg je potpisao ministar pravde BiH, gđin. Bariša Čolak, gore navedenog datuma, u originalu na engleskom jeziku (kopija Odluke je u prilogu ovog akta).

Vijeće ministara Bosne i Hercegovine je, na 154. sjednici održanoj 29. 06. 2011.g, utvrdilo Prijedlog odluke o ratifikaciji Memoranduma (kopija obavijesti o zaključku VM BiH u prilogu). Dostavljamo i kopiju mišljenja Ureda za zakonodavstvo Vijeća ministara BiH, akt broj: 01-02-283/11 od 17. 05. 2011.g. koje na Nacrt odluke nije imalo primjedbi.

Molimo da Predsjedništvo Bosne i Hercegovine, u skladu sa odredbama Zakona o postupku zaključivanja i izvršavanja međunarodnih ugovora ("Službeni glasnik BiH", broj 29/00), provede postupak ratifikacije Memoranduma.

S poštovanjem,


Sven Alkalaj
MINISTAR


Prilog: kao u tekstu

PAKT STABILNOSTI ZA
JUGO-ISTOČNU EVROPU
INICIJATIVA ZA BORBU PROTIV KORUPCIJE

GRADIMO
EVROPU
ZAJEDNO

HRVATSKO
PREDSJEDNIŠTVO
SEECEP-a 2006/2007

MEMORANDUM O RAZUMIJEVANJU



SARADNJI U BORBI PROTIV KORUPCIJE PUTEM
INICIJATIVE JUGOISTOČNE EVROPE ZA BORBU
PROTIV KORUPCIJE

Zagreb, 13. aprila 2007. godine

Republika Albanija, Bosna i Hercegovina, Republika Bugarska, Republika Hrvatska, Republika Makedonija¹, Republika Crna Gora, Republika Moldavija, Rumunija i Republika Srbija

U daljnjem tekstu "Države članice",

Ponovno potvrđujući da je regionalna saradnja preduslov za promovisanje stabilnosti, sigurnosti i društvenog i ekonomskog razvoja u Jugoistočnoj Evropi, uključujući prekogranične aktivnosti na polju borbe protiv korupcije,

Uviđajući da će sticanje članstva u Evropskoj uniji zahtijevati povećane nacionalne i regionalne napore u borbi protiv korupcije u svim državama kojih se to tiče,

Podsjećajući na Sporazum i Akcioni plan Inicijative Pakta stabilnosti za borbu protiv korupcije (Inicijativa, engl. skr. SPAI), Londonsku deklaraciju iz 2002. godine o borbi protiv organiziranog kriminala i korupcije, Solunsku deklaraciju EU-a o Zapadnom Balkanu i Zajedničku deklaraciju o pravosuđu i unutrašnjim poslovima SEECp-a,

Priznajući napredak koji su ostvarile zemlje učesnice u primjeni mjera protiv korupcije, dogovorenih u Ministarskoj deklaraciji Inicijative iz 2005. godine o 10 zajedničkih mjera za suzbijanje korupcije u Jugoistočnoj Evropi,

Potvrđujući da formiranje Regionalnog sekretarijata Inicijative (Sekretarijat Inicijative), oktobra 2003. godine, predstavlja konkretan i vidljiv dokaz opredjeljenja država u regionu da sarađuju i koordiniraju svoju borbu protiv korupcije u Jugoistočnoj Evropi,

Podsjećajući na Zaključke sa Regionalnoga stola i Radnoga stola III, koji su održani 2006. godine u Beogradu i Bukureštu, kao i na Odluke sa 10. sastanka Upravne grupe Inicijative održanog u Beogradu, 30. maja 2006. godine, koji se odnose na finansiranje Inicijative,

Sporazumjele su se o sljedećem:

¹ EU ovu zemlju naziva "Bivša Jugoslovenska Republika Makedonija"

Član 1. – Upravljanje Inicijativom

Države članice su saglasne da prihvate zajedničku odgovornost za Inicijativu i da osiguraju finansijsku održivost aktivnosti Sekretarijata Inicijative.

Regionalna upravna grupa je organ Inicijative koji donosi odluke, i koji odlučuje o godišnjem programu i budžetu, i sastaje se jednom godišnje i kad god je to potrebno. Članovi Regionalne upravne grupe mogu da odluče da na svoje sastanke, kao posmatrače, pozovu zemlje partnere i organizacije.

Predsjedavajućeg Inicijative će svake godine imenovati iz regiona Regionalna upravna grupa. Prvi predsjedavajući Inicijative bit će imenovan što je prije moguće nakon stupanja na snagu ovog Memoranduma. Predsjedavajući će predsjedavati sastancima Regionalne upravne grupe, osiguravati cjelokupnu koordinaciju i kontrolu aktivnosti Sekretarijata Inicijative u ime Regionalne upravne grupe i podnositi izvještaj na sastancima Regionalnoga stola Pakta stabilnosti.

Nakon zatvaranja Pakta stabilnosti i formiranja Regionalnog vijeća sa saradnju, predsjedavajući će podnositi izvještaje na sastancima Vijeća.

Države članice ponovno potvrđuju, u skladu s Ministarskom deklaracijom Inicijative iz 2005. godine o 10 Zajedničkih mjera za suzbijanje korupcije u Jugoistočnoj Evropi, svoje opredjeljenje za podršku i jačanje kapaciteta Sekretarijata Inicijative da djeluje kao Centar Jugoistočne Evrope za borbu protiv korupcije i da služi kao centralni organ za regionalnu saradnju za borbu protiv korupcije kroz pružanje najboljih praksi i širenje stečenih iskustava.

Države članice takođe ponovno potvrđuju, u skladu s Ministarskom deklaracijom Inicijative iz 2005. godine o 10 Zajedničkih mjera za suzbijanje korupcije u Jugoistočnoj Evropi, svoju opredijeljenost za jačanje uloge viših predstavnika kao nacionalnih koordinatora za borbu protiv korupcije i centralnih organa za međunarodne partnere, tako što će im osigurati političku podršku i odgovarajuće ljudske i finansijske resurse.

Član 2. – Finansiranje operativnog i programskog budžeta Inicijative

Države članice su saglasne da će, počev od 2007. godine, učestvovati sa minimalnim iznosom od 24,000 EUR za operativne i programske troškove Inicijative, i time osigurati finansijsku održivost Sekretarijata Inicijative.

Prvi finansijski doprinos bit će prenesen na bankovni račun Sekretarijata Inicijative, a koji je naveden u daljnjem tekstu, što je prije moguće u roku od tri mjeseca od potpisivanja ovoga Memoranduma o razumijevanju. Nakon toga, godišnji finansijski doprinosi će biti preneseni tokom prvog kvartala svake godine.

KORISNIK: SPAI RSLO 2 (Sekretariat Inicijative)
RACUN U EUR: 503022 136623

BANKA KORISNIKA: VOLKSBANK BH DD SARAJEVO
SWIFT Code: VBSABA22
IBAN CODE: BA39-140101007777737

BANKA POSREDNIK: DEUTSCHE BANK
RACUN U EUR: 936 537 000
SWIFT Code: DEUTDEFF

Sekretariat Inicijative će odmah obavijestiti Države članice o svim promjenama u odnosu na proceduru plaćanja.

Države članice su saglasne da će, ako doprinosi za jednu fiskalnu godinu ne budu potpuno potrošeni, ostatak biti automatski unesen u budžet Sekretarijata Inicijative za sljedeću fiskalnu godinu, bez prethodnog zvaničnog sporazuma.

Pored godišnjih doprinosa Država članica, Inicijativa će nastaviti tražiti podršku donatora za konkretne programske aktivnosti u okviru programa Inicijative.

Član 3. – Finansijski izvještaji i kontrola

Sekretarijat Inicijative će Regionalnoj rukovodnoj grupi godišnje dostavljati izvještaje o realizaciji programa, uključujući i sve budžetske troškove.

Sekretarijat Inicijative će, na godišnjoj osnovi, naručiti nezavisnu finansijsku reviziju. Rezultati i preporuke revizije bit će dostavljeni Regionalnoj rukovodnoj grupi na analizu, i svim drugim stranama koje su dale finansijske doprinose budžetu Inicijative.

Član 4. – Trajanje, prestanak i čuvanje Memoranduma

Ovaj Memorandum o razumijevanju, kojeg su odobrile Države članice u skladu s njihovim unutrašnjim pravnim procedurama, stupa na snagu prvog dana po isteku mjeseca u kojem je posljednja Država članica obavijestila depozitara o završetku procedura potrebnih u tu svrhu.

Ukoliko to njeni unutrašnji zakonski okviri dozvoljavaju, bilo koja Država članica može ovaj Memorandum o razumijevanju privremeno primjenjivati od dana potpisivanja. Privremena primjena ovog Memoranduma u skladu s ovim stavom, saopštava se depozitaru.

Republika Hrvatska će vršiti dužnost depozitara.

Ovaj Memorandum ostaje na snazi tri godine i bit će automatski produžen za period od još tri godine, osim ako se Države članice drugačije ne dogovore.

Bilo koja Država članica može otkazati ovaj Memorandum, tako što će u pisanoj formi o svojoj namjeri obavijestiti depozitara. Depozitar ima obavezu da, u roku od 15 dana, obavijesti sve Države članice o primanju takvog obavještenja. Otkaz proizvodi dejstvo u roku od tri mjeseca od datuma primanja obavještenja.

Države članice će sve sporove u vezi tumačenja ili primjene ovog Memoranduma, uključujući njegovo važenje ili prestanak, riješiti putem pregovora.

Ne dovodeći u pitanje prestanak ovoga Memoranduma, njegove odredbe će nastaviti da se primjenjuju u onoj mjeri u kojoj je to potrebno kako bi se

omogućilo ispunjenje konkretnih aktivnosti koje su već preduzete u skladu s ovim Memorandumom.

Original ovog Memoranduma u jednom primjerku na engleskom jeziku bit će čuvan u Republici Hrvatskoj, kao državi depozitaru, koji će svakoj Državi članici dostaviti ovjerenu kopiju.

Potpisano 13. aprila 2007. godine u Zagrebu, Republika Hrvatska

U POTVRDU TOGA, dolje potpisani, propisno ovlašteni od strane svojih vlada, potpisali su ovaj Memorandum o razumijevanju.